



A entrega de premios tivo lugar onte pola tarde no Museo do Humor de Fene

JORGE MEIS

O Concello de Fene entrega os premios Curuxa 2016

A inauguración da mostra cos traballos coincidiu coa última cita do ciclo de humor, con Quico Cadaval

REDACCIÓN FERROL

A Cada da Cultura do Concello de Fene acolleu onte unha intensa xornada coa celebración dunha dobre cita: a entrega de premios e inauguración da exposición dos Curuxa e a última sesión do ciclo de humor desenvolvido durante o mes de nov-

embro, que nesta derradeira función correu a cargo do contacontos ribeirense Quico Cadaval. Antes desta actuación, procedeuse á entrega dos galardóns aos premiados da convocatoria de humor gráfico. O gañador desta edición foi o debuxante Alberto Cardona Valcarcel pola obra titulada "Ray". O xurado salientou ou pouso que deixa a historia, que se presenta aberta, de humor negro e cunha excelente resolución gráfica acorde coa temática abordada.

O segundo premio foi para Antón Lezcano González, pola obra "Modernas", da que o xurado destacou o seu humor directo

e moi galego. Na categoría de Curuxa Nova (menores de 25 anos), Cristian Caruncho fíxose co primeiro premio co traballo titulado "Adaptación ao medio", no que, con gran orixinalidade, botou man dun tema tan actual como é o das redes sociais para plasmalo de xeito humorístico en formato cómic.

O segundo galardón neste mesmo grupo foi para Alba Souto Rodríguez, con "A gaviota para Amalia", unha crítica social sobre a contaminación. A contía dos premios oscilan entre os 2.000 do gañador do Curuxa aos 500 do segundo da modalidade de menores de 25 anos. ■

Citas co teatro infantil e familiar nas axendas culturais de Ferrol e Narón

REDACCIÓN FERROL

O Concello de Ferrol celebrará esta fin de semana a última quenda do festival de teatro de obxectos e monicreques Festeia iniciado a comezos de outubro e con pases todas as fins de semana. A cita de hoxe terá lugar ás seis da tarde no centro cultural Torrente Ballester. Alí será representada a obra "Corre, pallasa, corre", da compañía vasca Panta Rhei.

A actividade escénica trasladarase mañá domingo ao Centro Cívico de Caranza, neste caso para ver a obra "Astokillo", do mesmo colectivo teatral. As dúas citas son totalmente gratuítas e

están dirixidas ao público familiar, polo que todos os interesados terán así a oportunidade de gozar da última sesión deste ciclo teatral impulsado desde a área de Cultura de Ferrol.

NARÓN

Pola súa banda, o Padroado de Cultura decidiu programar un segundo pase da obra de teatro para bebés "Muuu..." logo da excelente acollida que tivo o evento, esgotándose o centenar de entradas dispoñibles para ver a función prevista para as seis da tarde de hoxe no Café Teatro do Pazo. Deste xeito, á esta función seguirá unha segunda ás 19.00

A cidade naval acollerá os últimos espectáculos do festival Festeia

Narón programou un segundo pase da obra "Muuu" tras esgotarse as entradas

horas. O prezo das entradas oscilan entre os 9,50 e o 6,65 euros, tal e como se informou. ■

BREVES

Presentación dun libro sobre naufraxios

Fernando Patricio Cortizo presentará hoxe, ás 19.30 horas na sala de reunións do faro de Cabo Prior, o libro "Naufraxios Martítimos de Galicia hasta 1989". O acto, de entrada libre, será ás 19.30 horas. A continuación servirse un vino español durante o cal serán comentados os distintos naufraxios ocorridos na zona de Cobas. A cita está promovida pola asociación Columba e e a Autoridade Portuaria.

Elvis Negro, esta noite no Manchita Cosa

O Manchita Cosa presenta por primeira vez en Ferrol a Elvis Negro, o novo proxecto galego formado no 2014 pero que na actualidade variou a súa composición por Marcos Romero e María Costa, que amosarán a súa proposta e a demo nova formada por dúas cancións producidas por Rodrigo Caamaño (Triángulo de Amor Bizarro). La cita, ás 23.15 horas. Entradas a dos euros.

Taller infantil en la Fundación Artábria

A Fundación Artábria acolle esta tarde, ás 19.00 horas, un novo obradoiro infantil de manualidades que será impartido por Lara Soto. Dirixido a nenos e nenas a partir de catro anos, conta con 15 prazas e necesita inscrición previa.

"Unhas poucas picadelas", no Jofre

O Jofre acolle esta tarde, ás 20.30 horas, a representación da obra de teatro contemporáneo "Unhas poucas picadelas", que afonda no terreo da lacra que supón a violencia de xénero.

Nova Galega de Danza no Pazo da Cultura

A compañía Nova Galega de Danza ofrecerá esta tarde, ás 20.00 horas no Pazo da Cultura de Narón, o seu novo espectáculo. "SON" reúne no escenario a bailaríns e música en directo.



O artista fenés presentará o seu tema "Ferrol Vello"

Roger de Flor e Os Silvestres, esta noite en Bamboleo

O artista fenés Roger de Flor, acompañado dos Silvestres, presentará hoxe no programa Bamboleo da TVG -22.00 horas- o tema "Ferrol Vello", a adaptación que fixo do tema de Ewan McColl "Dirty Old Town" e a través do que lanza unha mensaxe de esperanza sobre o barrio ferrolán, acusado polo estado ruinoso de moitos dos seus edificios. A canción forma parte do seu último traballo "Apelón", en homenaxe á rúa do municipio mugardés que leva este nome e na que o cantante residiu unha temporada.

Humor con Alberte Montes na cafetería Montpellier de Narón

O monoloxista Alberte Montes chegará co seu humor a Narón coa actuación que hoxe, a partir das 23.30 horas, ofrecerá na Cafetería Montpellier, de Narón. O cómico forma parte do elenco serie "Augasquentes", da TVG.

Últimos días para ver a exposición do Novembro Fotográfico eumés

As obras de María Emilia Barreiro Augusto que dan forma á mostra do Novembro Fotográfico do Concello de Pontevedra poderán ser vistas ata mañá domingo na Casa da Cultura. O horario das visitas será de 18.00 a 20.30 horas.